

Impact


Automation

Project Management

Павлодар облыстық «Қазақ тілі» қоғамының
тәрағасы Мұрат МҰСАЙБЕКҰЛЫ:

**«Құқықтық мәртебесін
қүшейту көрек»**

Солтүстік облыстарда мемлекеттік тілдің қолданылу аясы оқытустік өңірмен салыстырығанда тар екені бәрімізге белгілі. Дербес мемлекет ретінде өмір сүріп жатқан он үш жылдың ішінде оң өзгерістер болмады емес, болды. Мәселен, солтүстіктің төріндегі Қызылжарда кеңестік кезеңде жалғыз қазак мектеп-интернаты болса, осы күні қазақ тілді білім ошақтарының саны алтыға жетті. Осы уақыт ішінде Павлодар облысында қандай оң өзгерістер болды? Шешімін күтіп тұрған қандай мәселе бар? Осы және басқа да сауалдарға Павлодар облыстық «Қазақ тілі» қоғамының төрағасы Мұрат МУСАЙБЕКҰЛЫ жауап береді.



— Жақында Астанада халықаралық «Қазақ тілі» қоғамының төртінші құрылтайы өтпекші екен. Павлодар облысының өкілдері осы жыында қандай мәселе көтермекші?

— Халықаралық «Қазақ тілі» қоғамының құрылғанына 15 жыл то-лып отыр. Осы уақыт ішінде біраз шаруаның басы қайырылды. Елімізде 1997 жылы қабылданған «Тіл туралы» заңнан басқа тілдің қолдану аясын кеңейтуге арналған бірқатар бағдарламалар қабылданды. Со-лардың ішіндегі субелісі — 2001-

2010 жылдарға арналған бағдарла-ма. Осы бағдарлама аясында біраз шаруа тындыруға негіз бар. Бір қараған адамға мемлекеттік тілді дамытуға арналған ресми құжат жетіп артылған сияқты. Мәселе олардың санында емес, сапасында болып отыр. Соғы 5-6 жыл көлеміндегі тәжірибелер мемле-кеттік тілге қатысты заңды қүшейтуді талап етеді. Десек те, күні бүгінге дейін қолданыстағы «Тіл туралы» Заң және түрлі бағдарла-малар қаншалықты жүзеге асуда? Осы жағын ойластырып көрдік пе? Іс-қағаздарын мемлекеттік тілде жүргізу талабы қаншалықты орын-далуда? Осыны сарапалап, зерттеп көрген адам бар ма? Мемлекеттік ұйымдарда қазақ тілін қолдану, да-мыту сын көтермейді. Осыдан 3-4 жыл бұрын министрліктер мен түрлі ведомстволар қазақ тілін оқытып-үйрететін арнайы курстар ашқан бо-латын. Бастапқыда тәүір қарқын ал-ғанымен, кейін бұл жоба да қожы-рады. Мемлекеттік ұйымдарда тілдің дамымай отырғаны жасырын емес. Іс-қағаздарды қазақша жүргізуі мекеме басшылары ауда-ру деп түсінеді. Кез келген меке-меге барсаң, аударма бөлімін ашып қойған, аударма бөлімін ұстап тұруға жағдайы жоқтар тілмаш алу-мен шектеледі. Ол тілмаштардың аудармасы да ала-құла, шала сау-атты. Тілді бүйтіп қорлауға болмайды. Қазақша іс-қағаздарын сауатты жүргізе алмаса, несіне әуреленеді. Өздеріңіз білесіңдер, біздің облы-ста мемлекеттік тілді дамытуға негізделген біршама бағдарлама жұмыс істеп жатыр. Олардың қата-рында «Алтын тіл», «Ана тілі» сияқ-ты жобалар бар. Астанада өтетін басқосуда біз көтергелі отырған негізгі мәселе «Қазақ тілі» қоғамы-на қатысты. «Қазақ тілі» қоғамы — қоғамдық ұйым. Қоғамдық ұйым болса да, тілге жанашыр бірден-бір, ұйым. Сондықтан ұйымның мәрте-бесін, құқығын көтеру керек. Құқықтық мәртебе бізге мемлекет-тік органдармен араласып, қоян-

қолтық жұмыс істеу үшін қажет. Былайша айтқанда, үйіммен сана-сып шаруа істейтіндегі, оларға біз үқпал ететіндегі деңгейге жету жағын ойластыратын мезгіл жетті.

— Кезінде баспасөзде

«Қазақ елінде, қазақ жерінде тұрып, «Қазақ тілі» қоғамын құрғанымыз қалай!» деген пікір де болған. Шынында да осы қоғам — керек қоғам ба?

— Эрине, керек қоғам. Біздің елді Өзбекстан сияқты елмен, Балтық бойы мемлекеттерімен салыстыруға келмейді. Олар қазіргі деңгейге радикалды жолмен жеткендер. Қеңес кезінде біз кімді қабылдамадық? Ол кездің саясаты қалай жүзеге асқанын бәріміз білеміз. Сондықтан, бізге даңғаза айқайдан нақты іске көшкен абыз. «Қазақ тілі» қоғамын «жұмыс істемейді» деп кінәлаушылар көп. Қолымыздың құқықтық мәртебеміз жоқ болған соң, өзгелерге сөзімізді қалай өткіземіз? Қазақ тілінің мәселесін өзімізден басқа ешкім шешпейді. Алдымен өзімізді, жоғарыда отырған қандастарымыздың тілін қазақша сыйндырып алайық. Содаң кейін өзге ұлт өкіліне талап қойылған. Қазақстаннан кететіндер кетіп болған, көшетіндері көшіп кеткен. Қалғандары — осы елмен, осы жермен тағдырласпсыз деп қалып отырғандар. Мысалы, біз Үкіметтен көктиын да алып жатқан жоқпыш. Бізді ешкім қаржыландырмайды. Еліміздің түкпір-түкпіріндегі қоғамдарда білікті мамандар отыр. Со-лардың қабілет-қарымын пайдалану қажет. Біздің қоғамды термиология, ономастика шаруаларына ара-ластирысын. Одан біз бас тартпаймыз. Мәселен, жергілікті жерде осы салаға байланысты қашшама мәселе бар. Облыстық әкімшілік жаһынан құрылған Тілдерді дамыту департаментімен бірлесе отырып, біраз шаруа тындыруға болады. Егер біздің абырай-беделіміз ақсан жатса, оны құқықтық мәртебеміздің жоқтығынан деп түсіну көрек.

— Сонда қалай құн көріп отырсыздар!

— Біз «Қазақ тілі» қоғамы жаңынан тілмаштар даярлайтын ақылы курс ашып қойдық. Құні бүгінгедейін 7 топ дайындал шығардық. Кейде демеушілік көрсететін мекемелер болып қалады. Өткен жылы облыстық кеден департаменті қаржылай қолұшын берген-ді. Тапқан азын-аулақ қаржы есебінен айна бір рет «Тілтаным» деген журнал шығарып отырмыз, «Ертіс дидары» деген газетіміз де бар.

— Солтүстік өңірдегі тіл проблемасын шешудің бір жолы — оралмандарды тарту. Павлодар облысына олардың қоныстануы қандай деңгейде?

— Тоқсаныншы жылдардың басында Монгол жерінен көп қандасымыз келді. Ол кезде қазіргідей емес, тіл мәселесінің сіресіп тұрған кезі еді ғой. Қебі тіл білмелегендіктен қалаларға шоғырлана алмады, амалсыздан ауылдарға кетіп қалды. Жергілікті жерге бейімделе алмағандары қайтуға мәжбүр болды. Қазір квота арқылы келген оралмандарды үй-жаймен, жұмыспен қамтамасыз етуге күш салып жатырмыз. Кейде сырттан келген ағайындар қоныстанған ауылдарда, қалаларда қазақша мектеп болмай, балаларының қиналып қалатын кезі болады. Қазір Павлодар қаласында 5 қазақ мектебі бар. Осы 5 қазақ мектебінің өзі де қазақша білім алғысы келетіндердің бәрін қабылдай алмай отыр. Өйткені, құн өткен сайын қазақша білім алғысы келетіндер көбейе түсude. Жергілікті басшылық осы мәселені ескере жүрер деген үміттеміз. Әңгімеміздің соңында баса айтқым келетін бір мәселе — бізге тіл проблемасын ешкім шешіп бере қоймайды. Бастама, ынта өзімізден шығуы қажет. Парламенттің жаңа құрамына енген халық қалаулылары осы жағын естен шығармаса екен.